

地 170.149  
41  
11

澄城續志 全集

王鳳儀題

孫中山先生遺像




總理遺稿

余致力國民革命凡四十年其目的在求中國之自由平等積四十年之經驗深知欲達到此目的必須喚起民眾及聯合世界上以平等待我之民族共同奮鬥現在革命尚未成功凡我同志務須依此余所著建國方略建國大綱三民主義及第一次全國代表大會宣言繼續努力以求貫徹最近主張開國民會議及廢除不平等條約尤須於最短期間促其實現是所至禱

# 澄城續志序

澄邑之志創修于石子道立續修于路子世美繼修于韓子亞熊二先生學問淵博攷據精詳質而不俚辯而不華洵所謂兼擅三長得龍門派者矣惟韓志修于道光二十八年戊申迄今八十餘載物換星移數十年前之官師人物選舉田賦幾有渺茫而莫可攷者今且不續復將何徵民國十年縣知事丁鶴年勸學所所長蘇仲逸提倡續修以劉軍克城中輟十一年王知事允伯委新命纂續以愨軍進城復止十四年蕭知事秋澂宋孝廉太璞復謀踵成以楊軍逼城卒未藏事去歲王縣長再任今春聘邑紳趙任卿楊射斗暨縣議會議長彭萬齡等邀集士紳志襄盛舉爰俾新命編輯新命素荒疏無學深恐貽誚後賢參互考訂勉成斯編名曰續志不敢沒前人之善也特理學真儒孝義節烈道路梗塞採訪難周趙氏之壁豐城之劍埋滅於瓦礫井泉中者當不可勝計即有採訪及之者復恐延壽畫圖昭君抱屈卞和獻璞楚王滋疑魚目混珠之謂知不免矣是望後之君子精詳採擇祛僞存真庶幾勵風化振綱常潘尙書之公廉許郎中之耿介雷侍御之寒謬韓給諫之忠亮孫計部之潔清姚太史之骨鯁與夫李孝子之吮膺痊母師節婦之捐生見志彬彬繼起不愧左輔名區則斯志之修豈淺鮮哉後有作者拭目俟之時民國十五年丙寅十月姬新命榜名良槐鼎臣氏序



# 澄城續修縣志姓名錄

監修

澄城縣知事

王懷斌字允伯邵陽縣人北京中國大學畢業學士

主任

歷任武功朝邑縣知事

趙邦楹字任卿留日早稻田大學政政科畢業學士

幹事

澄城縣議會議長

彭萬齡字壽昌附生

編輯主任

歷委署靖邊縣漢中府訓導

姬新命字相卿光緒壬寅歲貢

編輯

吏部候銓知縣

袁允中字聖衢光緒甲午舉人

前署澄城知事

丁兆椿字鶴年宣統己酉拔貢

候銓訓導文廟奉祀官

姬鼎字甲三光緒戊申歲貢

廩

生

雷文棠字召卿

採訪

四川候補府經歷代理官  
李生蓉字鏡亭增貢

署白水縣知事  
嚴訥字內言廩生

五品銜增貢生  
張丕業字成侯

廩生  
雷侯封字采丞

增生  
王慎修字省齋

附生  
趙重義字比亭

附生  
王化行字子南

附生  
張培乙

附生  
白蘊華字含章

附生  
張靜息字陶菴

校對

附生  
雷在南字子明

繕寫

省立美術學校畢業生  
楊生彬字志文

# 澄城續志目錄

禮按續志以續舊志為主其體例一仍舊志自咸豐元年起至清末止分類中詳於舊志者不再贅

## 卷一 圖

## 卷二 地輿

## 卷三 建置

## 卷四 山川

以上俱詳舊志

## 卷五 田賦

戶口 田賦 差徭 厘稅

## 卷六 學校

學額 崇文樓 勸學公所 高等小學堂  
初等小學堂 學款

## 卷七 祠祀

## 卷八 職官

## 卷九 選舉

## 卷十 封典封蔭

## 卷十一 人物

## 卷十二 列女

陸機集卷序

卷十三

經籍

卷十四

金石

卷十五

書畫

六

澄城續志卷之一

圖 詳舊志

澄城續志卷之二

地輿 詳舊志

澄城續志卷之三

建置 詳舊志

澄城續志卷之四

山川 詳舊志

澄城續志卷之五

田賦志

姬鼎編

納稅爲人民義務周書重惟正之供吾澄民風淳樸踴躍急公特土瘠民貧一遇政繁賦重往往  
苦於追呼是聖賢大夫搜剔積弊與民休息如姚公欽明之申除荒糴潘公效蘇之減免羨餘不  
誠民之父母乎志田賦

戶口

咸豐元年以前詳韓志田賦內

光緒十七年 戶一萬九千六百一十五

男女大小丁口八萬二千四百一十九

宣統元年 戶二萬三百六十

男女大小丁口九萬九千一百九十三

鼎謹按陝西通志澄城戶口不載男女大小丁口共一十八萬二千餘當韓志道光二十七年計男女大小共一十八萬一千一百二十六或本諸此韓志又載乾隆四十八年縣冊實在戶口二萬九千七百五當明清兩代均不及此蓋極盛時也惜不列於通志

### 田賦

咸豐元年以前詳韓志

(一)原額全縣地一萬二百三頃七十三畝五分四厘五毫

光緒四年報荒免征地一千六百六十頃一十四畝二分五厘

歷年續墾地一千四百五十一頃四十一畝五分五厘

至宣統元年尙未經墾地二百八頃七十二畝七分

現在實地一萬零九十五頃八分四厘五毫

(二)原額征民地丁連荒共正銀四萬九千二百五十八兩八錢八分一厘  
至宣統元年除荒銀一千五百八十五兩六錢一分七厘

現在實征民地丁正銀四萬七千六百七十三兩二錢六分四厘每正銀一兩隨征耗銀一錢五分  
係法定一一  
五解庫之款

大平餘銀一錢八分零五毫三絲  
添平銀五分五厘二毫  
補平銀四厘三毫七絲  
飯銀一釐  
院銀五毫以上係各處陋規者

七項共計庫平銀一兩三錢九分一釐六毫

### 差徭

留支差徭前志無聞也咸同間洪楊之亂兵差浩大支應繁重費用苦無定額至光緒四五年兵荒既平  
用項遂減乃定有此項隨地丁正銀加征起初每正銀一兩加征制錢一百三十文光緒八年減去六十  
始收制錢七十文以原額正銀四萬九千二百五十八兩八錢八分一釐計之全年征收制錢三千四百  
四十八串一百二十一文歸里民局士紳經理以備潼關往來兵差車馬之用無事之秋歷年累積輒成  
巨款一遇兵役往往費用一空

光緒二十六年拳匪之亂聯軍入京至二十八年和議告成庚子賠款事起尙國家以康熙五十二年永  
不加賦之詔不獲已隨正銀一兩加差徭銀三錢五分並原日加征之制錢七十文照彼時市估一串

四百合銀五分二宗共征庫平銀四錢內除五分留支差徭其餘則為賠款征存解庫

鼎謹按賠款差徭奉文批解時聲明每百兩係解議平銀一百零四兩適合庫平銀百兩內截留火耗解費銀二兩實在止解九十八兩

釐稅

咸豐元年以前有稅無釐自用兵太平天國需餉孔急始各處設有釐卡抽收行商澄城鄙處一隅無富商大賈往來故不設卡抽釐即向日之稅見諸韓志田賦內者多係歲有定額亦不特別暢旺茲臚列如左

課程 歲額庫平銀二十五兩四錢三分 係鋪戶所出者

當稅 歲額庫平銀一百五十兩 係當典鋪所出者

牙稅 歲額庫平銀三十八兩七錢三分 係領牙帖人所出者

地稅 歲額庫平銀一百一十九兩二錢二分 係買房地業主所出者

畜稅 歲額庫平銀三十八兩三錢四分 係買牲畜所出者

謹按右列五項咸同光宣四朝照額批解皆無變更


炭稅 歲額制錢四百六十一串文照市估合銀批解 係長閭鎮煤行所出 按上項不見前志不知起於何時宣統年

間仍照解如常此外又有地方稅捐亦不知起於何時如斗用 營業稅 花稱捐 光宣之際均收數

無多用以敷衍地方新政辦警察至 菜豆行歲約收制錢二百一十串文 酒行即燒鍋捐歲約收制錢二百六十串文 牙行四鄉歲納制錢四百串文均在宣統年間後撥歸教育經費由勸學所經理

●●●●●

●●



# 澄城續志卷之六

學校志

姬鼎編輯

三代盛時家有塾黨有庠州有序學校之設所以明人倫培人才也吾澄雖僻在一隅而城鎮鄉區義學私塾隨地設立文運之興端在於是矧水東玉泉諸書院爲地方人文發達之所學署試院諸建設爲國家賢才會萃之基志之以俟後之景仰焉志學校

學額 學宮舊學署玉泉書院考院義學俱詳舊志惟國家以科舉取士三年兩試舊額歲試進文章十五名武童十五名科試進文章十五名外每考撥府一二名不等廩生二十名增生二十名三年兩貢咸豐六年文武童各加一名同治初文章又加一名遇國有慶典照上縣例加文武童各五名光緒二十七年裁武試三十一年秋文試亦停改設學堂

崇文樓 同治初年設附玉泉書院內爲管理學款振興文教機關初定每年舉齋長二人後改爲一人經理之計膏火銀每月縣署學署課士獲取者給獎三千六百兩卷價銀二千數百兩光緒十九年知縣余宏蔚

倡捐會試川資錢三千串均發商生息又有學田四百零二畝七分收入田租及房賃兩項民國成立後遂廢

勸學公所 由玉泉書院改設書院備詳舊志成同兩朝學制無更一切照舊光緒三十一年八月初四日 上諭停科舉并各省考試飭府廳州縣於城鄉各處徧設蒙小學堂三十二年改書院爲高等小學

堂詳見至二十四年知縣王猷選學堂於考院始改爲勸學公所

高等小學堂 由考院改先是光緒三十二年知縣培林改玉泉書院爲學堂設總教一員教授中學分

教一員教授西學罷諸生考課前學官試驗諸生之學課在每月二十二日知縣試驗諸生之堂課在每月初二十五兩日書院山長之院課在每月二十六兩日至是悉罷 勸令入堂肄業

惟建築一項則略加擴充查該書院舊分前後兩院前院舊有門房七間門房後亭子一座東西廡房各

三間現俱廢沿階上爲月台月台上講堂二間講堂左右翼廡室各一較講堂位置略後現廢左廡室講堂後東

西廡房各三間正中贊襄堂二間門前現改新式贊襄堂後樓房二間樓房東有偏門由偏門入下以磚砌坡階

別有一門則後院也名曰退省齋後院舊有東西廡房各三間上房五間此次建築在後院門外東壁上

開一偏門門內新拓操場一所前院門房西邊新蓋南北向大房兩間東邊又購得一院與該院地址接

連前有門房三間後有磚窰一孔爲學生廚室中間新蓋南北向大房三排第一排五間第二第三排各

四間作學生自習室室外圍門有四東西相對即出入自習室之門徑餘悉仍舊至二十四年知縣王猷

始由考院改建查考院向分內外兩部外部舊有門房二間中一間爲大門東一間改門夫室西一間改

接待室大門外東西小房各一間轅門各一正中照壁一與東西轅門毗連悉仍舊後廢惟留東小房大門內大房

三間改爲食堂食堂東南隅建廚房西南隅空地爲廁所門內大房後奎星樓一東西號舍各十三間現俱廢

沿階上爲月台月台上東西廡房各二間一教員室一間報室正中大堂五間改爲禮堂由大堂後門

入則內部也內部正中舊有樓房三間中空一間東一間爲堂長室西一間爲教員室樓房前東西廡房各三間改爲教員管理室廡房兩矮屋各一間改爲夫役室自矮屋至大堂前各連有八字形磚牆此即內外之界限也現取通爲一氣惟大堂月台下號舍東西對峙此次建築以光線不合全行拆毀因原有木料在月台下南北向大房九間中一間爲門道東三間爲禮化講堂一間儲藏儀器西三間爲通用講堂一間儲藏圖書講堂下迤南二丈許東西相對起樓房各四間又北向樓房一間與之相連形如口狀外砌新式磚牆一排高可樓頂長約六丈上下兩層窗戶洞闢中一間爲門道由門道入東西樓上講堂各一樓下學生寢室共十處周圍光明空氣流通北壁東西樓門各一門下各砌磴道二以便登臨磴道上均蓋三疊式簷宇能避風雨且壯觀瞻其餘房屋照舊不更惟各加以修葺門窗均變新式或爲食堂或爲禮堂或爲堂長室或爲教職員室門夫堂役廚房廁所處處區畫盡致中拓操場一所空闊廣大浪木秋千槓架諸運動器備具九月工竣即遷入彼時堂長一主管教育事項教員三分科教授無從前總分教各名稱宣統二年畢業一次計二十餘名三年甲乙丙三級學生共百餘名八月二十五日由勸學公所招集全縣各學堂與該學堂開運動會一次次日舉行競爭考試二十七日恭逢孔子誕日各教職員學生分班來禮堂拜謁該學堂招待備至 初等小學堂 由義學改查義學除各鄉自有者外以公款設立者凡六處縣城內一在武廟啟聖祠光緒二十八年已由知縣王新禎改爲蒙養學堂城關一向